

نوال مهني

مؤال من بلدى

(أزجال بالعامية المصرية)

الإهداء

(إلى بلدتي الحبيبة مصر .. إلى كل من فيها وما فيها
أهدي مآالي فهو منها وإليها)

رباعيات

[١] نبـدى الكلام ونقـول

بسم الإله الكريم

علم نبينا القـول

وحاطه بـ التكرم

[٢] صلوا كتير عالنبى
سيد الخلايق محمد
عرف الفضائل صبرى
لربه سبيح وحمد

[٣] خللى ضميرك حلى
والمولى راح يكفىك
وإن مرة بعته لحلى
الدنيا ما تكفىك

[٤] اجعل رصيدك دين
زيده أدب وأخلاق
تحتاج له يوم الدين
يعفر لك الخلق

[٥] خسر ابن آدم دينه
لما غواه المال
أفعاله باينة تدينه
والقلب صدى ومال

[٦] أصل الزمــــن دوار
والظلم صار عادى (عدو)
والأخ فى الســــدوار
أسمى لأخوه عادى

[٧] الجار يكمــــون للجار
كيف أهله وقت العوز
يتحملــــه لــــو جار
ويساعده لما يعوز

[٨] من صان جوارحه ولسانه
صاين زمامه وعرضه
الناس تعدد حسانه
ولا حد يقوى يعارضه

[٩] لا تفشى سر الناس
كيف الساع فى معارضك
وأوعاك تكون خناس
تخسر زروعك مع أرضك

[١٠] لا تعاشر الكـدـاب

ولا تدخله فـى مشـاكـلك

ع الكـدب طبعـه داب (دأب)

يفتنن عليك ويشـاكـلك

[١١] النـدـل مـهـما يـكـون

يفضـل عـلى حالـه

لو ملكـوه الكـون

ما ينـعـدل حالـه

[١٢] اللـى مـالـوش مـاضـى

طبعاً مـالـوش حـاضـر

والكـلمـة سـيف مـاضـى

وقـت اللـزوم حـاضـر

[١٣] النـاس فـى لـحـظـة صـفا

تقـول كـلام مـوزون

والقـلب لـو يـوم صـفا

صار بـالـذهب مـوزون

[١٤] الكل صار سُـعـرَا
وسوق المعـانـي جـبـر
والفـرق لـو شـعـرة
الشـرخ كـيـف يـنـجـبـر !؟

[١٥] سـبـيـك مـن الـلـي كـان
خـلـيـنـا فـي الصـاـيـر
ما عـدـش بـالـإـمـكـان
نـرـسـم لـنـا مـصـاـيـر

[١٦] يـا سـيـدي إـيـه الحـكـايـة ؟
تـغـلـط وتـجـي تـحـاسـبـني
كـفـاك غـنـاوى وحـكـايـا
والآف عـيـيـدك حـاسـبـني

[١٧] حـافـظ عـلى الـلـي شـاـريـك
بـالحـسـبـنى والمـعـرـوف
ولا تـبـدـلـش بـشـريـك
أخـر العـنـاد مـعـرـوف

[١٨] لو كنت شاري مـره
أصدقني في المواعيد
والمشكلة لو مـره
تتحل في المواعيد

[١٩] سهرت ليلي بطولـه
أبكي على بـدرى
ظن القطيعة بطولـه
وفاتني من بـدرى

[٢٠] القلب بين أمرين
أحلام مـر
يتحمل المـرين
ويقول لكم مـروا

[٢١] لو جيت في يوم نادم
فارش منـاديك
بأعلى صوت نـادم
حالفه م أنـاديك

[٢٢] يا رب ابيك العوازل
عاملة كنده فينا
خطوا ما بينا عوازل
إن قمنا تكفيننا

[٢٣] قالوا يا بخت الشاعر
خالى الفؤاد وسعيد
نسيوا هموم المشاعر
عدوه من المساعيد

[٢٤] ناس ليها حظ وناس مالهش
وناس يتقصى حياتها بلاش
وناس السعد يجيها لبيتها
وناس يتدور ولا تلقاش

[٢٥] دنيا بلا إخلاص
تبقي هموم ومسواوى
وتقول عليها خلاص
والله ما عادت تسواوى

[٢٦] لا تبدى يوم سـرك
حدا لثيم قـوال
لو مرة فعله يسـرك
لم يصـدق الأقـوال

[٢٧] متكنش فـاس هـدام
خايـك حـجر بـاني
شرح الأسـاس لـو دام
عيـه على البـاني

[٢٨] لا تعاشر الغـلاط
ولا تزيد فى عتابـه
وإن خفت من الأغـلاط
ما تخطـى أعتابـه

[٢٩] أشـقى عـباد الله
واحد بخيل طـماع
ينكر نعم مـولاه
ويمجد الأطـماع

[٣٠] لما زمني الغبي
عمل الصبي أسطى
عشان أنول مرغبي
أحتاج متيبن وسطة

[٣١] سألت بعض الأفاضل
وأهل النصلاح والخير
فى الدنيا إيه اللي فاضل ؟
قالوا لى فعل الخير

[٣٢] الحق هو الحق
واجب علينا إتباعه
أهل المروءة أحق
يكونوا ممن إتباعه

[٣٣] الصديق لما غاب
ما يبين حقود وحسود
عادت شريرة الغاب
والجاني حكمه يسود

[٣٤] سبـحـانـه عـاطـى الحـظـ مـوظ
عـالـم بـحـالـك وـحـالـى
والـلـى يـكـون مـحـظـ مـوظ
حـالـه يـصـير حـالـى (حـالـى)

[٣٥] العـيـن مـرايـة الـرـوح
فـرحـانـة وـأـلـا حـزـيـنـة
والـحـزـن يـبـدى جـرـوح
مـا تـخـفـى بـالـزـيـنـة

[٣٦] بـيـنـك وـبـيـن الـرـب
مـافـيـش حـجـاب وـسـتـور
مـا تـبـسـم لـغـيـره بـكـرـب
عـشـان تـعـيـش مـسـتـور

[٣٧] حـمـال الـأسـمـيـة
شـدوا عـلـى هـ وـزادوا
م الصـبـح للـنـمـسـيـة
الـيـم شـرـبه وـزادـه

[٣٨] عجبني يا ناس لشـمعة
تفنى عشـان الغـير
دابـت لأخـر دمعـة
ماذكروهاش بـالخير

[٣٩] لا تزيد فى قوله مات
أو فى الجفا تغالى
وابعد عن الشبهات
تبقى كريم غالى

[٤٠] الصديق ما يضيع
ولا يمنعـه حـايل
والكدب طبع وضيع
عالمـق يتحـايل

[٤١] عجبى على الحساد
ما يشغلوا بـالى
الحقـد عـم وسـاد
وأضحـك ولا أبـالى

[٤٢] يا لاييمين الناس
يكفني حسد وملام
تعبت قلوب الناس
من كثرة اللوام

[٤٣] حاسب ضميرك
قبل الغير ما يحاسبك
ليه راح يضرك
ما دام ربنا حاسبك

[٤٤] قالوا الصداقة الصبح
ليينا حديد وأصول
عشان تدرم وتصبح
ينقي الوداد موصول

[٤٥] أهل الأصول لرو عابوا
نقد نعاتبهم
وإن قربوا أو غابوا
تحمده عواقبهم

[٤٦] الرحمة يا أهل الطرب
دا المسـتمتع غلبـان
زمن البلايل هـرب
واتمخطـروا الغربـان

[٤٧] حاولت مرة أعـاتبك
كان لى دلال وحقـوق
ظننت إنى بعـاقبك
والقلب بـات محقـوق

[٤٨] حرام تبيع العشرة
وبينا ملح وعيش
وأنا أقيد صوابعى العشرة
لأجل المودة تعيش

يا بايع الودء الود ليه يتباع
حرام تبيع الود بالسـدس والأرباع
كسبان يا شارى الود والخاسر اللى باع
قلب الودود عمران .. لكن مالوش أتباع

عانتب صديقك لو خصامه طال
دا البعد فى شرع الصحاب بطل
والصفو ويا الهجر ما ينطال
حسن الظنون من شيمة الأبطال

أنا كنت واقف مكانى شفت الهرم مقلوب
وحيت أعتب زمانى وأقول يا نلس مغلوب
قالوا لى ما تعدش تانى ليحدفوك بالطوب
من يومها - أكتم وأعتى وأصير على المكتوب

يا اللى على وتر القلوب عازف
عاش ما بين حلم وخيال وشعور
انزل لدنيانا تصوير عازف
الذوق مصدى والكلام مشعور

عانتب الأهل من غير ما تجرحهم
خلى كلامك واضح وصارحهم
وكن كريم واعمل لصالحهم
للقربى حق لو ضدك مصالحهم

(خماسيات)

يا قلبى ايه العمل والفرح ناسينا
بغياىب حبيب وصديق تكبر ماسينا
وكان وجوده أمل يسعد ماسينا
كثير عليك يا زمن نما تفرحنا !!
أمتى الجراح تتدمل ومين يواسينا ??

تكسب قلوب الناس لما توادعهم
خلى كلامك زين يطرب مسامعهم
يعنى تكون حساس بلاش تواجههم
جرح الكلام قاسى ونزفه كثير
بالحب وبيا اللين تمسح مدامعهم

((خماسيات))

أرضيك يا نيل خضره مراعيها
تنتج ثمار أشكال لمن يراعيها
وصاحب الأرض خادما وراعيها
طول يومه واقف بتابعها
والأرض زى الضنا لازم نراعيها

أهوى نجوم السما تضوى بعاليها
وأهوى الرواسى العالية وأسكن أعاليها
والحرة دائما عارفة ما ليها وعليها
وقلبى مليان بالحب من صغرى
ونفسى العزيزة عن الدنيا أعليها

يا راحة البال لاجل النبى عودى
أنا كنت شاعر مغنى وانكسر عودى
شلت الهموم أطنان حتى انحنى عودى
حيران ومالى أمل غير دعوتى
يارب رجع تانى فرحى وسعودى

خفيف الروح فات جنبى وأنا ماشى
عدى ورمشه سلم على الماشى
سهمه رماني لكن سهمى مارماشى
والحب زى القدر ماله ميعاد معلوم
أنا قلبى سلم وقال له أمركم ماشى

حبيب القلب رغم الجفا غالى
يبعد ويهجر وف هجره بيغالى
وعمرى ما أبدله برخيص ولا غالى
أصل الوفا طبعى ورأس مالى
أهوى الأصيل دايما واعشق الغالى

تايه وأهله داخو عليه ما جابره
لفوا جميع البلاد ما عرفوا كيف يجيبوه
حضر خاله وعمه وجات أمه وجا ابوه
قالوا: عليل بالهوى فى الحب تاه عقله
واللى يتوه عقله فى الحب كيف نجيبوه

حبايبي صافيتهم في الود ما صفوني
راعيث حقوقهم لكن ما نصفوني
خائوا وبسيف غدرهم نصفوني
الذنب ذنبي ياربى واللا ذنبهم
خويت الألم ولو وصفوه وصفوني

العمر أيام :

[٥] العمر أيام بتفوت وتعدى
والعبد فيها صاحى أو نايـم
إما ظالم على غيره متعدى
أو مظلوم أجـره على الدايـم
واللى يوازن أمره ويعدى
عالب يرسى ولا يعيش عايـم

صاحب زمانك

[٦] صاحب زمانك وأحذر من الأعيبه
وكن حياى لا شاريه ولا بايعه
وخصلة الحرص فى البعد ما تعييه
وبيها يعرف سيره وطبايعه
واحفظ شريكك واستر على عييه
وإن كان مطيع لك واجب تكون طايـعه

كنز الذهب

[٧] كنز الذهب ما يسوى
لحظة ألسـم وعذاب
ولا حتى لمحـة قسوة
م الأمل والأحباب
ولا دمـوع النسوة
عالمـاحب اللـى غاب

أغنيات

لو تقدر تزرع وردة ما تقولش استنى لبكرا
لو تقدر ترسم ضحكة أنسى الأحزان والذكرى

لو تقدر تزرع وردة

أفتح قلبك للنور حب العالم والناس
دا الحب سلام وأمان دا الحب أجمل إحساس

لو تقدر تزرع وردة

لو تقدر تعمل خير ما تقولش دا كان ودا صار
اغفر أخطاء الغير وأقبل كل الأعذار

لو تقدر تزرع وردة

الدنيا إيه غير بسمة وسعادة مع الأحباب
نرضى نسعد بالقسمة والفرحة تدق الباب

لو تقدر تزرع وردة

مآل من مصر

مآل من مصر العظيمة
غنية على شط النيل
يا بلادي يا حرة يا عظمة
على أرضك أول تنزل
مآل للسواذ الأخضر
نبارك ولقمر النيل
للصحرا - لثراث أجدادى
لحضارة لندنيا نيل
لولدك - لجنود أبطال
حراسك من كل دحل
لبنائك منارات وورود
على رأسك أجمل إكليل
لساجد للمولى تكبير
ولشعب مكافح وأميل
مآل من مصر العظيمة
غنية على شط النيل

ساحر الأهداب

يا ساحر الأهداب قلبى فى حبك داب
مهما بعادك طلال طيفك ما عنى غاب

يا ساحر الأهداب

قلبى فى حبك داب

الوجه كـالـنـور والخـد ورد ونـور
من حسن أوصافك العقل بات مسـحور

يا ساحر الأهداب

قلبى فى حبك داب

عشق الملاح يا ناس والوجد والإحساس
والهجر والغربة صاروا فى حياتى أساس

يا ساحر الأهداب

قلبى فى حبك داب

بحر الهوى غدار ميه بطعم النار
والمـوج معـاندنى تايهه مع الدوار

يا ساحر الأهداب

قلبى فى حبك داب

يَمْكُن

يَمْكُن مَا أَقْدَرُشْ أَعْبِر عَنْ حَبِيٍّ وَعَنْ أَشْجَانِي
لَكِنْ فِي عَيْنِهِ بِنَكِير وَوَهَيْتُكَ كُلَّ حَزَانِي
إِذَا بَقِيَ تَطَالُمُ قَلْبِي وَتَفَكَّرَ يَوْمَ تَتَسَانِي

وَتَفَكَّرَ يَوْمَ تَتَسَانِي

لَوْ تَعْرِفَ مَقْدَارَ حَبِيٍّ رَاحَ تَرْضَى وَتَتَصَفَّ قَلْبِي
وَحِصَامُنَا يَصْبِحُ ذِكْرِي وَتَعِيشُ تَتَهَنَّى فِي قَرْبِي
وَحَيَاتُكَ وَأَنْتَ بَعِيدٌ بِشَتَاقٍ لِعَيْنِكَ وَأُخْبِي

بِشَتَاقٍ لِعَيْنِكَ وَأُخْبِي

الدُّنْيَا لَوْ تَعَانَدْنَا وَالْحَاسِدُ لَوْ يَحْسَدُنَا
فِي قُلُوبِنَا حَسَنَانِ وَغَرَامِ مَشَى مَمْكُنٌ يَوْمَ يَبْعَدُنَا
بِكُرِّهِ الْأَزْهَارُ هَتَفَتْ وَالْحِظُّ كَمَا نِيَّاعَدُنَا

وَالْحِظُّ كَمَا نِيَّاعَدُنَا

بَعَاد

فِي بَعَادِكَ تَشْقِينِي ظَنُونِي	وَدُمُوعِي بِتَشْكِي وَشَجُونِي
وَلَا غَيْرِكَ يَخْطُرُ عَلَيَّ بِأَلِي	وَجِيرَانِي مَعَ أَهْلِي لَامُونِي
بَسْتَتِي قَدُومَكَ عِ الْبَاب	وَيَقُولُكَ يَكْفِينَا غِيَاب
وَسَأَلْتُكَ وَلَا جَانِي جَوَاب	وَأَيَّامِي تَعْبَتُ وَسِنِينِي
لِيهِ طَبْعُكَ دَائِمًا مُتَغَيِّر	وَكَلَامُكَ غَامُضٌ وَيَحِير
كَمْ مَرَّةً تَعَانَدُ وَتَخَاصِم	وَتَزُودُ وَجَدِي وَحَنِينِي
لَوْ تَحْلِفُ لِسَهُ بِتَهْوَانِي	أَوْ مَرَّةً عَايِزُ نَلْقَانِي
مَشْ مُمْكِنٌ بَعْدَ مَا تَتَسَانِي	أَفْتَحُ لَكَ قَلْبِي وَعَيُونِي

مَا عَادَتْشْ بِتَشْقِينِي ظَنُونِي

سيد الكل

سيد الكل مكانك جنبى مالك روحى وساكن قلبى
دا أنت حياتى كل حياتى وأنت منايى ونورى وحبى

يا سيد الكل

خليك جنبى .. خليك لى دايما مالى الدنيا على
لو تعاتبنى لو تحاسبنى كل الدنيا فداك يا عينى

يا سيد الكل

مش ممكن أبدا أنساك دا أنا قلبى عايش ليهواك
تزعل منى .. تبعد عنى واتمنى قربك ورضاك

يا سيد الكل

سيبك من كل العزال متصدقش كلام ينقال
مهما يزيديا .. مهما يعيدوا حبك يتحدى الأموال

يا سيد الكل

مصر الأمان

مصر الأمان طول الزمان الغدر فيها مالوش مكان
فيها الحضارة للكون منارة عمرانه دايما حب وإيمان

مصر الأمان

يا مصر شعبك حواليكى يخاف عليكى ويحميكى
ازاي بقى الإرهاب يقدر يعيش ويرعى فى أراضيكى

مصر الأمان

إرهاب وغدر داسيه بتدبره يد خسيصة
بتكيد لمصر ولولادها ومصر دايما محروسة

مصر الأمان

وشعبنا الطيب مضياف كريم ويحب الأضياف
بالحب بينى ويعمر دينه المحبة مع الإنصاف

مصر الأمان

وأحلف بنيلك يا خضره لاحميكى من كل مؤامرة
واللى يخونك لو مرة م النيل ما يشرب ولا قطره

مصر الأمان

ومصر دايما فاتحه الباب عشان ضيوفها والأحباب
على أرضها الزوار أخوات ما فيش أجناب ولا أغراب

مصر الأمان

يا رمضان

رمضان يا شهر القرآن واللا واحشنا واللا زمان
بيك النور بيعم الكون وانخير فيك أشكال وألوان

يا رمضان يا رمضان

لما قدومك هل علينا وهلالك نور حوالينا
البسمة شاعت في بيوتنا والفرحة بانّت في عينا

يا رمضان يا رمضان

أيامك تحلا يا كريم وصيامك جنات ونعيم
ونفوسنا تصفى وترتاح ولا ننسى مسكين ويتيم

يا رمضان يا رمضان

يا معمر بالحب قلوب يا مكفر أخطاء وذنوب
يا مجمع أهل الإسلام يا مفرج بالرحمة كرب

يا رمضان يا رمضان

دعاء

يا الله
يا فاطر الأكوان
يا خالق الإنسان
يا منزل الفرقان
يا ملهم الفنان
يا الله
عمر بلادنا بالكفاح والعمل
زين حياتنا بالنعيم مكتمل
واسعد قلوبنا بالرجاء والأمل
واقبل دعائنا م الميلاذ للأجل

يارب

يارب الله
يا عالم بسر القلوب
وسرك عن سواك محبوب
وحكمك في الجبين مكتوب
أنت المحب والحب والمحبوب

يارب
يا واهب الخضره والنبع للوادي
عنى بإلهامك البابل الشادي
صلى لإنعامك زهر الربى النادي
أدعو بحب - واضرع بإنتشادي
يارب

يا بنت مصر يا إنسانة

يا بنت مصر يا إنسانة فى الغنوة اجمل فنانة
كتبتى شعرك بشعورك صورت عصرك بأمانة
بين الشوارع معروفة وليكى سمعة ومكانة

يا بنت مصر يا إنسانة

عن مصر قللى وحكى وبحب بلدك غنيتى
يا عاشق نياها وترابها وعارفة واجبك ما نسيت
قدها وقود وميد قدك كروانة صادحة ونشوانة

يا بنت مصر يا إنسانة

الله عليك يا آمال فى الغنوة أو فى الموال
معانى واضحة ومفهومة رقة وعذوبة وجمال
قلمك يعبر عن حبك بكل قوة ورزانة

يا بنت مصر يا إنسانة

الود منك ببقى جميل والفن عندك طبع أصيل
أجمل إخوة بتجمعنا صداقة مالها نظير ومثيل
حب الأدب هو هدفنا وقلوبنا بالخير مليانة

يا بنت مصر يا إنسانة

مهداة إلى الصديقة العزيزة الشاعرة / أمال شحاته

الست مئة (١)

الست منه بنت البيه
فى كل شركة أو معرض
وأقول يا ضرة يا أمورة
إيه إلهى عاجبك فى الكوربيه
ولما تنوى وتصمم
وإننا نعارض ونمانع
يا ست منه يا جميلة
وعلشان نحقق طابباتك
أما الشنط أشكال وألوان
وكل فستان له طرحة
ألوان كتير أحمر وأصفر
والطقم كله على الموضة
لو تطلبتي مليون حاجة
لازم بجيبها ونرضيكى

ضرورى عايزة صالون كوربيه
نلقاها رايحة تطل عليه
يا ست بابا يا سنيورة
تقول جميل خامه وصورة
عن شئ تحامى وتتكلم
بعدين نوافق ونسلم
اندلعى اكمنك حيلة
لك ألف فكرة ووسيلة
وكل شنطة ولها فستان
وجزمته على الموضة كمان
والحلو ماشية بتتمطر
م العين عليك الله أكبر
آخر نزاها والآجة
من غير ما تبقى محتاجة

فى الانقر الاجتماعى الشارع المصرى

الشارع المصرى من حاله يا عجبى
لو تمشى فيه مسرة هيجيا لك العصبى

دا الشارع المصرى

سواق ما بيهدى والخلق بتعبدى
والعسكرى الغلبان لا يجيب ولا يودى

فى الشارع المصرى

لا تلاقى سياره واقفة على إشارة
ونتيجة السرعة كام حادثه وخسارة

فى الشارع المصرى

واحد بيتمخبطر أو ماشى يتمنظ
سرحان ولا دارى والثلاثى بيصف

فى الشارع المصرى

وكلاكس بيصرصع صوتيه ولا المدفع
ينزل على ودائك من غير ما نتوقع

فى الشارع المصرى

شلة من العاطلين طول النهار قبابضين
عن كل عريضة راكنة شمال ويمين

فى الشارع المصرى

وعيال بتتسول وتلج وتطول
تصحها ترشدها عنك ما تتحول

فى الشارع المصرى

والشاطر البارع من يمشى فى الشارع
دا مطيب دى حفرة دا كوم ورق والسع

فى الشارع المصرى

واللى حداه مشوار يقضيه فى نص النهار
لو حتى جار بيته هيقاسى من الأخطار

فى الشارع المصرى

والخلق تعبانة طول يومها شقية
من زحمة الشارع نايمه وسهرانة

فى الشارع المصرى

واللى شغل بالى قوله أنا مالى
من ناس وظيقتها نفسد ولا تبلى

فى الشارع المصرى

والمشكلة الكبرى لا درس لا عبرة
والحال هياها واللى جرى بجرى

فى الشارع المصرى

أنا كنت يوم فاضى وشكيت حذا القاضى
قام قال لى ياسيد خليك كده راضى

دا الشارع المصرى

أنا عقلى صار مشغول وذهبت للمسئول
وعرضت مشكلاتى ويا اقتراح وحلول

للشارع المصرى

راح قالى يا قاسى خليك كده راسى
وأبعد عن الشكوى واعمل كمان ناسى

فى الشارع المصرى

من يوميا يا سادة أصبحت معتادة
أصبر على الجارى وأقول ما هى عادة

دا الشارع المصرى

أصيلة وندل

عجبي على زينة وعقلها راسي
تخدم أهالي الدار وتكرم الراسي
شالت هموم البيت ما قالتش يا راسي
وجوزها ظالم ندل وعقله متراسي
دنياها بحر عميق لا شطوط ولا مراسي
قالت : يارب كن لي حصني وحراسي
وطوق نجاتي - علمي - خبرتي - مراسي
يارب اجعل لي ديني نهجي ونبراسي
أنا اللي صفحتي بيضة ما اسود كراسي
إنصرتي يا سيدي على ندل مش راسي

أحوال

يا قلبى ليه العتب	سبيك من الأحزان
إحنا فى زمان العجب	إلى مالوش وزان
والنفس صارت خشب	خروب ومهاوش، زان
والقبح شاع ونكتب	لا زين ولا ميزان
تشوف عديم الأدب	عامل عليك طرزان
واللى ضميره انعطب	يقرض ولا الجزان
وناس تلم الدهب	وتروح بباريس ولو زان
وغيرها شال التعب	والهم كـ الخزان
يا قلب ليه الغضب ؟	مالك بقيت حزان ؟
تشكى الهموم والنصب	عينه فى الكـيزان
كفاك تحب الطرب	وتقطـع الأوزان

حكاية الحمار

حمار وماشى فى البلاد فرحان
قاله تعالى تشوف لنا قعدة
دا الخلق كل الخلق تعرفنى
ما عادش فيه أسود ولا نمور
أما القروء ما يهمناش منهم
أحنا اللى بس فى البلاد ظاهرين
كل المهن معروضة قدامنا
عايزين نفكر فيه أيه يناسبنا
الجحش قال : انا عندى كام فكرة
قال الحمار يا صاحبى شوف غيرها
الجحش قال نفتح لنا مكتب
مغشوشة مضروبة مسمومة هنييعها
قال الحمار دى فكرة مضروبة
الجحش قال أنا والله بتمنى
على كل حال ضاعت ولقيناها
قال الحمار أحسنت يا صاحبى
نحقق وبرتبع وإحنا نصقف لك
افرنجى عربى غنى ولا يهملك
والمكرفون برضه عشان خاطرك
وبغثوتين تصبح قوام مطرب

قابل صديقه الجحش بالأحضان
عشان نقولى إليه كده غضبان
مين دا اللى يبجى يقولى يا حيوان
ولا عادش فيه زراف ولا غزلان
حتى قريينا دا اللى اسمه حصان
يعنى وجودنا صار فى كل مدان
حتى الوظائف ليننا فيها مكان
ما تخافش أبدا من فلان وفلان
أولها شركة وشغلها البنيان
سيقوا التعالب وادعوا العمران
نستورد السلعة ونبييعها فى الدكان
عشان نساھم فى الحد م السكان
صنف الكلام سيقوا الحمير بزمان
يكون لى مركز فى الحياة وكيان
أنا م النهاردة هشتغل فنان
وتبقى مطرب آخر الأزمان
أما وظيفتى هوزع الألحان
أهل الكاسيت هيلقبوك سلطان
هيقوى صوتك لو يكون تعبان
واسمك يفرق ويصير بكل لسان

إعلام صحافة كله مايفرح بك
وإن جات مسابقة لابد تترشح
أما الفلوس أغرف ولا تعدش
الجش قال فيه مشكلة تانية
رد الحمار وقاله ياخيبتك
هو اللي موضته ماشية دلوقتي
أما البلاغة فسبها لصحابها
قال إيه بحور للشعر نحفظها
وفيه تراث لا بد نرجع له
العمر كله لازم ننميسها
ليه العقد دا العصر يحكمنا
مالها الحداثة دى كلها نعمة
كل الحمير راح يصبحوا شعرا
الجش قام من فرحته غنى

وينشر اسمك والصورة بالألوان
وثق تماما إنك الكسبان
وفي الضرايب كن فقر غلبان
منين نجيب الشعر والأوزان
شعر الحمير معروض وبالأطنان
تقدر تقول سرب الحمير غلطان!
على أيه تفكر أو تبات شقيان
وفيه معاني للكلام وبيان
وفيه مواهب بثها الرحمن
عشان ما تقوى ويبقى ليها شان
أصل الهيافة فى عصرنا إيمان
فوضى وهيصة وسهلة فى الإمكان
نلغى احتكار الشعر للإنسان
أما الحمار صقف وقال كماان

يا بنت بلدى

برنامج أسبوعى قدم على شاشة القناة السابعة (تليفزيون شمال الصعيد) فى صيف ١٩٨٧م وكان يغنى بمصاحبة الربابة والمزمار مع عرض صور حياة تمثل الشخصية النسائية التى نتحدث عنه الحلقات . وكانت فكرة البرنامج التى تقدمت بها إلى السيد رئيس القناة السابعة .. هى تقديم صور مشرقة للمرأة فى مجالات الحياة المختلفة أى إننا نتحدث عن القدوة الصالحة وما ينبغى أن تكون عليه هذه الشخصية حتى تكون قدوة ونموذج لبنات هذا الجيل ربما لا نجد هذا النموذج فى الواقع ولكننا نصبوا إليه وندعو له. واقترحت أن تكتب الحلقات شعرا ثم عدلت عن الشعر واقترحت أن تكتب زجلا أى باللغة العامية الدارجة حتى تكون فى متناول المشاهد العادى .

وقدم البرنامج ولاقى نجاحا كبيرا ، ولكن بعد عشر حلقات مرت بى ظروف لم أتمكن معها من مواصلة الكتابة .. فاستعان المخرج بشاعر آخر وما أن قدم حلقة واحدة حتى ثار رئيس القناة لرداءة المادة وأمر بإيقاف البرنامج فى حالة توقف الشاعرة صاحبة الفكرة عن الكتابة وبالفعل توقف البرنامج . وها هى ذى الحلقات العشر بنفس ترتيب إذاعتها أقدمها للقارئ الذى لم يتمكن من مشاهدتها على الشاشة الصغيرة .

المؤلفة

يا بنت بلدى

يا بنت بلدى يا بنت النيل . مشوار بلدنا معاكي طويل
تاريخ مسجل عالجردان كفاح مجيد وبجهد أصيل
ولمنا تحكى بجديفة عن بنت بلدى المصرية
بنت الحضارة العريقة أم العيون العسلية
هناك قول عليها كام موال من القصايد والأزجال
وعالرباينة نغنيها زى الملاحم والأمثال
هنحكي قصة بالبلدى وشوف واسمع يا ولدى
بطاينا حرة مصرية والاسم بنتك يا بلدى

يا بنت بلدى

الفلاحة

يا بنت بلدى يا فلاحه يا أم الملامح وضاحه
فى الطبع طيبة وشهامة واللفظ قسوة وصراحه
والقد غصن لبان ممشوق والخد خوخة وتفاحة

يا بنت بلدى يا فلاحه

هوایتها تصحى البدرية عشان تصالى الفجرية
وكلها هممة ونشاط والروح خفيفة ومصرية
والوجه باسم ومنور ينثر محبة وملاحه

يا بنت بلدى يا فلاحه

من قبل مينا بدايتها والأرض تعرف حكايتها
مع الرجال الأيد فى الأيد تصون وتحرس ثروتها
تبان بسطة وعفوية لكن نبهة ولماحة

يا بنت بلدى يا فلاحه

دايما تشوفها مشغولة أبدا ما كانت معزولة
فى البيت وفى الغيط تلاقىها شايلة الأمانة ومسئولة
قائمة بدورها وواجبها بس بالرزانة وبالراحه

يا بنت بلدى يا فلاحه

ثروة بلدها تتميها تخاف عليها وتحميها
فى كل بيت مصنع إنتاج تديره هى لوحديها
وتصدر الخير للملايين بكل طيبة وسماحة

يا بنت بلدى يا فلاحه

وفى الشدايد سداة تعمل واجبها وزيادة
صبرة وقت الخير والشر والصبر من طبعها عادة
وفى المواقف وقت الجد تفصل بحكمة ونصاحة

يا بنت بلدى يا فلاحه

الأرض تعشق خطوطها والطينة تحفظ مشيبتها
بتحمل الزاد للشقيان وتشدد عزمه بوقتتها
والغيظ بزهره وثماره يشير إليها بصراحه

يا بنت بلدى يا فلاحه

ومهما تتعب تتحمل م الصبح لليلى وتكمل
تخبز وتحلب وتربى من غير ما تشكى ولا تهمل
والقربة عارفة مكانتها ودورها واضح عا الساحة

يا بنت بلدى يا فلاحه

عشان ما يبقى المسك ختام نختم معاكوا بأحلى كلام
علازين غايه ورعايه لبنت ريفنا مدى الأيام
تحفظ حقوقها وصحتها وينوبها م الحب مساحه

يا بنت بلدى يا فلاحه

الطبيبة

يا بنت بلدى يا طبيبة للناس صديقة وحبيبة
وفى كل شدة نلقى ايكى فى التو جاهزة وقريبة
إنسانة قائمة بواجبها بدون تخاذل وبطيبة

يا بنت بلدى يا طبيبة

الله عليكى يا ست الكل ياللى جمالك فاق الكل
فى الحسن زينة وملحة وفوق جبينك ورد وفل
محروسة دايما ومصونة من كل عين حاسدة مريبة

يا بنت بلدى يا طبيبة

فى كل موقع فدائية متجندة ومسـتتية
فى البطو الأبيض ملاحا عزة ومهارة علمية
عاقلة ورزينة من يومها وكان نبيهة ونحيبة

يا بنت بلدى يا طبيبة

بتضحى من أجل الإنسان بكل حب وكل حنان
سهرانة طول الليل جنييه يشعر معاكى بكل أمان
وتخففى عنه آلامه بالذات لو الحالة عصبية

يا بنت بلدى يا طبيبة

وانطب للفرد رعاية كمان حماية ووقاية
محتاج لشرح وتوعية وصحة المرضى الغاية
دا حرب دائمة مع الأمراض والحرب فى الطب عجيبة

يا بنت بلدى يا طبيبة

والطب مهنة معروفة ولكل تعبوان موصوفة
أما الطيبة برقتها فى العلم جادة وشغوفة
فرضت وجودها بنجاحها ما بقتش فى الصورة غريبة

يا بنت بلدى يا طيبة

بايديكى ميسم كل عليل وعلاج لكل ضعيف وهزيل
مشكورة يا ملاك الرحمة والرحمة فيكى طبع أصيل
وعامة الناس شهدوا لك إنك عظيمة وليبية

يا بنت بلدى يا طيبة

وفى العلاج البسمة أساس عشان تخفف حزن الناس
وفى كل لحظة تراعيهم تملأ قلوبهم نور وحساس
وفى الطوارئ وقت الحرب مثل الجنود جوده كتيبة

يا بنت بلدى يا طيبة

أبدا ما ننسى أفضالك نذكر جمالك وفعالك
والقلب والروح يدعوك الله يكثر أمثالك
من أجل راحة البشرية مجهدها فى المهنة ضريبة

يا بنت بلدى يا طيبة

المحامية

يا بنت بلدى يا محامية فى الحق صلبة وقوية
متسلحة بدستور وقانون وعالأصول متريبة
وكل كلمة تقولها نلقاها لازمة وضرورية
يا بنت بلدى يا محامية

فى المحكمة عند القاضى واقفة تدافع وتقاضى
وكل حجة بتعرضها بلسان فصيح ولا سيف ماضى
ولما نحكى حكايتها مسيرتها للحق قضية
يا بنت بلدى يا محامية

فى الجلسة لابس روب محاماة لايق عليها الله
زى الغزالة فى وقفها وفى العمل تهوى المساواة
ولا حد يقدر يغلبها للخصم واعية وذكية
يا بنت بلدى يا محامية

قالوا العدالة طريقها طويل لكن هدفها عظيم ونبيلى
بتعطى للمظلوم حقه وحكميا مؤيد بدليل
وبنت بلدى تحب الحق من غير زعل ولا عصبية

يا بنت بلدى يا محامية
وعشان ما توصل لغايتها الجد هو وسيلتها
كفاحها دايماً ليل ونهار يثبت جيودها وجدارتها
ما بيين كتبها وأبحاثها واسمع سيرتها يا بلديا
يا بنت بلدى يا محامية

بتقضى يومها عمل ودفء
ولما تترافع وتقول
وفاهمة أسرار مهنتها
وكل بند وحيثية

يا بنت بلدى يا محامية

ولما نرجع لسجلات
تاريخها حافل ومشرف
حافضة أدبنا وتقاليدهنا
بطريقة راقية وعصرية

يا بنت بلدى يا محامية

وبنت مصر أم الأحرار
معدن أصيل وزمان قالوا
عارفة حقوقها وواجبها
بس بوسائل قانونية

يا بنت بلدى يا محامية

يا بنت بلدى يا محامية
وينصرك فى نزاع ونزال
دا أنت نموذج فى حياتنا
يسعد بلادنا العربية

يا بنت بلدى يا محامية

أم الشهيد

يا أم الشهيد يا ست الناس حب الوطن غاية وأساس
زرعتي فينا الوطنية كانت بذورها نضال وحماس
والانتماء دا مشـروعك بتربي جيل مؤمن حساس

يا أم الشهيد يا ست الناس

يا بنت بلدي يا أبية أنت المثل في الحرية
حب البلد واجب قومي محتاج مروءة وتضحية
عزة بلدنا وكرامتها أبدا ما نقبل بيها مساس

يا أم الشهيد يا ست الناس

وحاسة إنك مسئولة عن كل كلمة ومقولة
يا أبنـي لازم تتشجع عشان تحارب برجولة
والحق محتاج للقوة والحرب عايزة جهاد ومراس

يا أم الشهيد يا ست الناس

يا أهل بلدي الأيد في الأيد عشان نحسني كل شهيد
وهيب حياته لبلاده ويدمه سجل نصر جديد
وفي المواجهة مع خصومه يبقى عدوه ذليل محتاس

يا أم الشهيد يا ست الناس

وأنت يا ست الناس تبنى وتقولـي جه دورك يا أبنـي
حقوق بلدنا علينا ديون ربك عليها يحاسبني
لو يوم تقصر في الواجب أو مرة حقت ضاع وانـداس

يا أم الشهيد يا ست الناس

يا مصر يا غالية علينا نفدى ترابك بعيننا
ونغنى للنيل والأهرام ونبنى مجدك بإيدنا
وقلوبنا تحلف بهواك تهدي إليك أجمل إحساس

يا أم الشهيد يا ست الناس

يا أم البطل يا نواره اسمك على المجد أماره
أزاي نوفييك حقوقك فى جملة والا فى عبارة
الله يصونك ويعيذك من شر كل لئيم خناس

يا أم الشهيد يا ست الناس

أم الشهيد مهما تعانى تصبر وتتحمل تانى
شجاعة وكمال فدائيه وبطولة فى أسى معانى
وسيرتها قدوة لبنااتنا تروى كفاحها لكل الناس

يا أم الشهيد يا ست الناس

أم الشهيد دى فى أعلى مكان ومقامها على فى أى زمان
والشعب كله يشيد بيها ويشير إليها بكل بنان
إكرامها واجب ضرورى وجميلها فوق العين والراس

يا أم الشهيد يا ست الناس

المعلمة

يا بنت بلدى يا معلمة متتورة ومتكلمة
تهوى الأدب تهوى العلوم وكما جميلة مهندمة
مينتها فى كل البلاد متقدرة ومتقدممة

يا بنت بلدى يا معلمة

أول ما نبدى القول هنقول عن بنت مصر الشرح يطول
أساتذة ويتبنى الأجيال تنشئ نفوس وتربى عقول
وتعلم النشئ الأخلاق ولستهم متفهممة

يا بنت بلدى يا معلمة

فى الصبح تصحى مع البكور نشيطة واقفة مع الطابور
بتحوى بإيديها الأعلام وشعارها إن العلم نور
معظم حياتها وأوقاتها بين الورق والمقلمة

يا بنت بلدى يا معلمة

وبنت مصر تهوى النظام وقت الجرس ما يدق تمام
نلقاها واقفة فى حصتها تسمع كلامها تقول يا سلام
دا الشرح حرفة وهواية من مبدأ للخاتمة

يا بنت بلدى يا معلمة

فى الفصل تشرح وتفسر لكن منيخ ومقصر
بالحب تبذل مجهودها وتعطى على قد ما تقدر
والدرس ع السبورة بيان لوجه جميلة مقسمة

يا بنت بلدى يا معلمة

كل المواد عايزة التفكير تاريخ لغات حتى التدبير
ترسم خطوطه مدرسة عملي وشفوي أو تحرير
صبرة جدا في عملها رغم التعب مبتسمة
يا بنت بلدي يا معلمة

سنتين حياتها مع التدريس بين المراجع والكراريس
عشان تحضر وتصحح والرك يرجع للتأسيس
ما بين كتابها وجدولها واعية لدورها وحازمة
يا بنت بلدي يا معلمة

والعلم مهنة مقدسة تغرس بذوره مدرسة
والمدرسة في المجتمع أغلى وأسمى مؤسسة
منها المعارف تبتدي غاية نبيلة وقيمة
يا بنت بلدي يا معلمة

يا مدرسة يا مذيبة يا مرشدة يا مدربة
عشت لشبابنا موجهة عشت لولادنا مؤدبة
دمك خفيف ذوقك لطيف لكن جريئة وحاسمة
يا بنت بلدي يا معلمة

الصحفية

يا بنت بلدى يا صحفية متصيبة ومتسائمة
دورك خطير - صوتك جهير الله عليك يا صبيبة
فى كل جرنان ومجلة كونت اسم وشخصية

يا بنت بلدى يا صحفية

رأيك جرئ وعليه دليل أبدا ما يخضع للتبديل
والرأى فكرة وعقيدة بدون تهاون أو تهويل
نزيه ومعلن بصراحة من غير مواربة وتورية

يا بنت بلدى يا صحفية

قالوا الصحافة دى رسالة وليها ساطة وجلالة
وبنت بلدى الصحفية فى كل تحقيق ومقالة
تظهر فنونها ومهاراتها موهوبة جدا وذكية

يا بنت بلدى يا صحفية

صحافتنا دى السلطة الرابعة دى مستقلة ومش تابعة
موافقا فى الحق صريحة ومن ضمير شعبنا تابعة
من أجل مصر ومصلحتها تتقدم بحزم وحريية

يا بنت بلدى يا صحفية

هوايتنا تجمع فى الأخبار تجرى وراها ليل ونهار
عشان نفسر وتحلل تعرف ما فيها من أفكار
ولما تكشف عن أخطاء مبادئنا ثابتة وقوية

يا بنت بلدى يا صحفية

وفى الصحافة البال مشغول دى مهنة صعبة وليها أصول
تبحث تتقرب وتعقب تسأل وتستفتى المسئول
تعرض لأسباب ونتائج وتثير مشاكل حقيقية

يا بنت بلدى يا صحفية

وعاملة من الجرنان منبر من فوقه تنشر وتحرر
وف كل موضوع تتحقق من المنابع والمصدر
عشان توثق أخبارها والصدق حجة وقضية

يا بنت بلدى يا صحفية

سن القلم هو سلاحك دايما رفيقك فى كفاحك
وعن لسانك يتكلم فى مساكى ولا فى صباحك
بتعبرى عن أمجادنا وثرات بلادنا العربية

يا بنت بلدى يا صحفية

يا مثقفة يا ست العارفين مشهورة بين كل الملايين
من دا اللى ينكر أفضالك من دا اللى يجهل دورك مين
لأجل جهلك وكفاحك م القلب نهديك تحية

يا بنت بلدى يا صحفية

المذبة

يا بنت بلدى يا مذبة ثقافة عالية ورفعة
كل اللطافة فى حديثك والرقعة فطرة وطبعة
شخصية بتحقيق ذاتها والشهرة واسعة وسريعة

يا بنت بلدى يا مذبة

فى الراديو أو فى التليفزيون موجودة خلف الميكروفون
تذيع فى أخبار وبرامج والوقت يجرى قوام ويهون
وليها جمهور يتابعها من الهواء والسماعة

يا بنت بلدى يا مذبة

خفيفة الروح ومليحة فى الزى أو فى التسريحة
واللفظ راقى ومتمنى واللهجة واضحة وفصيحة
كالبدن تسطح طلعتها فى لوحة ألوانها بديعة

يا بنت بلدى يا مذبة

ولما تظهر عالشاشة فى الوجه خفة وبشاشة
الصورة حلوة وجميلة أما المناظر دنداشة
بسمتها تسبق كلمة لها والنبرة هادية ووديع

يا بنت بلدى يا مذبة

صوتها يدوى عبر الأثير مع كل موجة نفحة عبر
بعيدة عنا وقريبة ومعاننا بالروح والتفكير
تلبى رغبات جمهورها دائما مهاودة ومطبعة

يا بنت بلدى يا مذبة

وكل معلومة مذاعة
نظام مرتب ومحدد
فيه العلوم فيه الفنون
تهديها للشعب إذاعة
وبالدقيقة وبالساعة
وكم ان سياسة وشريعة

يا بنت بلدى يا مديعة

تسمعها تقرأ فى النشرة
كلامها واضح ومعبر
من قلبنا بنحيبها
تديها عشرة على عشرة
ذهب أصيل وماهوش قشرة
وليها صقة وتشجيرة

يا بنت بلدى يا مديعة

يا مديعة دورك غير محدود
وكم ان فصاحة وبلاغة
يبقى التواصل بيننا دوام
محتاج ثقافة مع المجهود
إبداع ضرورى يكون موجود
من غير جفاوة وقطيعة

يا بنت بلدى يا مديعة

إعلامنا دائما فى القمة
وفى البلاد بيمتنا
واخذ الريادة من يومه
والشعب يفخر والأمة
بالصورة يشرح والكلمة
وبرامجه قدوة وطلعية

يا بنت بلدى يا مديعة

المهندسة

يا بنت بلدى يا مهندسة فى العلم راسخة متأسسة
والفن زاد العلم جمال فن وعلوم يا هندسة
وفى الدراسة والامتحانات درجاتها عالية كويسة
يا بنت بلدى يا مهندسة

دايمما بتبنى وتعمر وحريصة عاللون والمنظر
وكل خطوة بتحسبها مع كل خطوة وبتفكر
وتقضى يومها عمل وكفاح من الصباح حتى المساء
يا بنت بلدى يا مهندسة

عاللوجة واقفة متشطرة ماسكة القلم والمسطرة
ترسم وتكتب بنباهة والبسمة خلوة ومعطرة
ما بين كتبها ولوحاتها مستبشرة ومتونسة
يا بنت بلدى يا مهندسة

يا بنت بلدى يا مثالية فى الشغل والبيت عملية
وفى المواقف معروفة متمكنة مينة المينة
وفاهمة واجبك وحدودك بدون غرور أو غطرسة

يا بنت بلدى يا مهندسة
حب التخصص فى طباعها يظهر ذكائها وطابعها
مدنى وعمارة وميكانيكا والكهربة واللى تابعها
تلاقيها فى المهنة شريكة فى كل هيئة ومؤسسة
يا بنت بلدى يا مهندسة

وفى الميدان بين العمال تشرف وتتجز فى الأعمال
جادة وحازمة فى كلامها لا فوضى تقبل ولا إهمال
والكل يشهد بنشاطها الله عليكى ياربى

يا بنت بلدى يا مهندسة

وبنت بلدى بكل ثبات مهندسة بتبنى العمارات
تخدم بلادنا المصرية أصل المبانى والحضارات
ونجاحها يثبت جذرائها متمرنة ومترسة

يا بنت بلدى يا مهندسة

الله يسدد خطاويكى وينصرك على اعدايكى
رأبك سديد - نظرك بعيد والشعب كله فخور بيكى
يا بنت مصر المحروسة يا أم العيون الناعسة

يا بنت بلدى يا مهندسة

ومصر دايما بنايعة حكايتها فى الفن حكاية
تاريخها يفخر بالأهرام ونيوغها فى العالم آية
بتعلم الدنيا العمران وآثارها رمز ومدرسة

يا بنت بلدى يا مهندسة

ست الدار

يا بنت بلدى يا ست الدار فيكى الأصالة مع الإصرار
يا شمس بتتور بتتا تسعد قلوبنا بالأنوار
يا حافظة بيتك وكيانك وعارفة حق الزوج والجار

يا بنت بلدى يا ست الدار

يا ست دارنا يا نرافة جمال وخفة ولطافة
يا منظمة شئون العيلة توجيه وترتيب ونضافة
أمنية عالبيت والأولاد وكما أمينة على الأسرار

يا بنت بلدى يا ست الدار

يا ست بيتنا سعدتنا لازم نشريك ف عنيـنا
بدون حنانك يا أميرة ماكنتش تتجح خطوبنا
وإن مرة غبتى بنشتاق لك والكل يبقى غريب محتار

يا بنت بلدى يا ست الدار

وعشان ما تجمع أسرتها وتضمهم بمحبتنا
من بدرى واقفة فى خدمتهم والكل يعرف شطارتنا
وبسرعة تتجز طلباتهم وياما بتقندر الاعزار

يا بنت بلدى يا ست الدار

يا بنت بلدى يا ست البيت يا اللي عليك عمار البيت
طويلة البال وصبورة ما عرفت زيـك يوم ولا ريت
وقت الشدايد موجودة قدامنا حصن أمان وستار

يا بنت بلدى يا ست الدار

وفى الغضب عاقلة وراسية لا كنت غافلة ولا قاسية
 بتريحي كل الأطراف وفاكرة دورك مش ناسية
 وتضحى علشان أولادك وشايلة هم صغار وكبار
 يا بنت بلدى يا ست الدار
 وست بيتنا المصرية أشهر صفاتها الجدية
 بالذوق مع الناس والجيرة ومع الأهالي بحنية
 وصاحب البيت متنهى ويقول عرفت يا ناس أختار
 يا بنت بلدى يا ست الدار
 وفى المواقف مش هورة تفكير وحكمة ومش هورة
 تعمل لصالح أسرته وطباعها عالخير مفضورة
 ولا حد ينكر وقفته تقضى المصالح ليل ونهار
 يا بنت بلدى يا ست الدار
 والعيلة تعرف مقدارك يا مجمعة الكل فى دارك
 بالحب عايشة فى وسطهم والحب طبعك وشعارك
 تحكى ويا محلا حكاويكى من النواذر والأخبار
 يا بنت بلدى يا ست الدار

الأم

يا أمى ربى يخليكى ويديم رضاكى ويحميكى
يا غالية على قلبى وعينى تعيشى وتسلم أبناديكى
ولا عمرى هانسى أفضالك وقلبى دايما يناديكى

يا أمى ربى يخليكى

دا مغيش مثلك فى حنانك والغالى يرخص عشانك
ومهما أعدد فى حبايى ما حد يوصل لمكانك
فى القلب ليكى مكان مخصوص ولا حد غيرك يساويكى

يا أمى ربى يخليكى

يا أمى يا ست الغالين مهمن طلبنا نقولى أمين
بتلبى دايما رغبتنا وعشانا تشقى أيام وسنين
كلك مودة وحنينة كل الحبايب بعديكى

يا أمى ربى يخليكى

الأم هى المسئولة فى المجتمع مدرسة أولى
بتربى وتعلم أجيال وحياتها بيهم مشغولة
رسالتها فى الدنيا عظيمة والرب وصانها عليكى

يا أمى ربى يخليكى

الأم قدوة فى الإصلاح أساس ضرورى لكل صلاح
من أجل راحة أولادها تسير وتتعب ولا ترتاح
وإن غبنا عن عينك نبقى قلقانة والنوم يجافيكى

يا أمى ربى يخليكى

الأم ربنا كرمها رفع مكانها وعظمها
ووصى بيها في كل كتاب دا الجنة من تحت قدمها
يا ساعية في الخير والمعروف الله يثبت خطاويكى

يا أمى ربى يخليكى

الأم دورها كبير وخطير ليها في حياتنا أكبر تأثير
من عهد حوا وحتى الآن وظيفتها في الكون التعمير
أصل الأمومة أساس الكون والمولى حافظك وراعيكى

يا أمى ربى يخليكى

وفى المعاملة كمان بالذات ما تفرقيش بين الأخوات
والأسرة تحلم برضاكى ويسعدوكى بنين وبنات
وقلبك الطيب راضى ومن قلوبنا نحبيكى

يا أمى ربى يخليكى

دعاكى يفتح لى الأبواب ورضاكى حرز حصين وحجاب
وفى كل أزمة بنحتاج لك قبل القريب والأصحاب
بتعطى من غير ماتمنى إزاي يا أمى أكافيكى

يا أمى ربى يخليكى

نبذة عن المؤلفة

الشاعرة / نوال مهني أحمد أبو زيد من أبناء محافظة المنيا

تخرجت في كلية الآداب - قسم الفلسفة وعلم النفس -

جامعة المنيا - عملت بعد تخرجها في وزارة التربية والتعليم المصرية
معلمة للمواد الفلسفية والعلوم الانسانية للمرحلة الثانوية ثم تركت التدريس
إلى الاشراف على الصحافة المدرسية بنفس الوزارة . وهي أيضا موجهة
لنشاط الثقافي بمركز سوزان مبارك للفنون والآداب بجامعة المنيا .

وللشاعرة نشاط في المجال الاعلامي ؛ فهي كاتبة مادة ومعدة برنامج في
إذاعة وتليفزيون شمال الصعيد . وهي معتمدة كشاعرة على مستوى
جميع الاذاعات المصرية وقدمت عشرات البرامج الناجحة ذات الصبغة
الادبية .

ومن أشهر البرامج التي قدمتها للإذاعة ولاقت نجاحا كبيرا :

١ - رحلات ابن بطوطة - عمل درامي قدم خلال شهر رمضان في
شكل حوار ممتع وشيق .

- ٢ - البندورة المسجورة برنامج سياحي ثقافي للأطفال يقدم المادة التاريخية للأطفال بأسلوب بسيط جذاب .
- ٣ - برنامج أصل الحكاية ، ويقدم المعلومة العلمية للطفل في صورة مبسطة من خلال شرح الأشياء والرجوع إلى أصلها ومراحل تطورها حتى يألف الطفل العالم من حوله ويتعرف على الأشياء معرفة صحيحة .
- ٤ - مجموعة الفوايزر الثقافية على مدار سنوات متصلة خلال شهر رمضان المبارك وكانت تكتب رجلا وتذاع يوميا .
- ٥ - برنامج حورا بالأشعار الذي استمر يذاع على مدار ثلاث سنوات ويقدم حوارا شعريا مقترضا (فيرقة) بين شاعرين ربما من عصرين مختلفين حول قضية ما مثل وصف الطبيعة أو الحب والحزب والهجر والعتاب والوطن والرسائل والربيع والحزن والفرح والمديح وفضل الأم وفضل العلم إلى آخر موضوعات الحياة ورأي الشعر فيها - وقد قدمت الشاعرة معظم الشعراء العرب من خلال هذا البرنامج .
- كذلك قدمت للتلفزيون عدة أعمال ناجحة بعضها إعداد وبعضها تأليف شعرا ونثرا أهمها :
- ١ - فوايزر : توت حاوي توت : عبارة عن حوارات بالزجل بين الأطفال والحاوي حول الكرة الأرضية والدول المختلفة .

٢ - برنامج نسائي : أسبوعي بعنوان يا بنت بلدي كتبت مادته شعرا
ويقدم الصورة المثالية للمرأة في المجالات المختلفة .
كما دواوينها الشعرية مقرررة في قائمة مكتبات المدارس الثانوية بوزارة
التربية والتعليم المصرية على مستوى الجمهورية .
وتنتشر الشاعرة إبداعها شعرا ونثرا من خلال الإذاعات والصحف
والمجلات المصرية والعربية وقد حصلت على عدة جوائز وشهادات
تقدير من جهات مختلفة ، كما اقيمت عشرات الندوات والأمسيات
الشعرية لتكريمها ومناقشة دواوينها في القاهرة والإقليم شارك فيها كبار
النقاد والشعراء وكتبت عنها عشرات الدراسات من الأساتذة والنقاد
التخصصين لتقييم تجربتها الإبداعية وقد نشر معظمها في الجرائد
والمجلات وأذيع بعضها في البرامج الإذاعية المتخصصة .
وقد اشتهرت الشاعرة بلقب (شاعرة الصعيد) نسبة إلى الصعيد
المصري الذي تنتمي اليه وأصبح هذا اللقب أشبه باللائمة التي تذكر كلما
ذكر اسمها في الندوات والجرائد وحتى في المراسلات الرسمية . وكذلك
لقبت بشاعرة الوادي

النشاط الأدبي للشاعرة :-

١ - عضو اتحاد كتاب مصر .

٢ - عضو رابطة الأدب الحديث وجماعة أبو لؤي الجديدة (القاهرة)

٣ - عضو جماعة ملتقى الاربعاء - بنقابة الصحفيين المصرية
(القاهرة)

٤ - عضو جماعة شعراء العروبة (القاهرة) .

٥ - عضو جماعة الأدب العربي (الاسكندرية) .

٦ - عضو جماعة سيد درويش (القاهرة) .

٧ - عضو جماعة الوسطية (بالمنيا والقاهرة)

٨ - عضو رابطة الأدب الإسلامي العالمية .

٩ - عضو نادي الأدب بقصر الثقافة (المنيا)

١٠ - رئيسة لجنة الأدب بجمعية محبى الفنون والآداب (المنيا)

مؤلفات الشاعرة :

١ - نبع الوجدان - ديوان شعر صدر عام ١٩٩١ م

٢ - أغاريد الربيع - ديوان شعر صدر عام ١٩٩٣ م .

٣ - الفارس والاميرة : مسرحية شعرية صدرت عام ١٩٩٥ وتحكي
ملحمة العبور وحرب أكتوبر المجيدة .

٤ - ذات مرة - ديوان شعر صدر ١٩٩٨ م

٥ - الجميلة والعراف : مسرحية شعرية صدرت عام ٢٠٠٠ م

٦ - سلسلة رحلات ابن بطوطة للأطفال وصدرت في ثمانية أعداد عام
١٩٩٩ م .

٧ - سلسلة أصل الحكاية للأطفال وصدر منها خمسة أعداد عام ٢٠١٩م.

٨ - أغاني الطفولة - ديوان شعر للأطفال - صدر عام ٢٠٢٠ م .

٩-أوراق شاعرة -مقالات نثرية صدر عام ٢٠٢١م

١٠-موال من بلدى ديوان رجل صدر عام ٢٠٢١م

تحت الطبع

١ - (سلسلة حذر فزر) ألغاز شعرية للأطفال .

٢ - أنا شيد الطفولة - ديوان شعر - للأطفال .

٣-فيض الأشجان - ديوان شعر

المحتوى

الموضوع	الصفحة	الموضوع	الصفحة
الإهداء		أصيلة ونذل	٣٩
رباعيات	١٨-٥	أحوال	٤٠
خماسيات	٢٢-١٩	حكاية الحمار	٤١
سداسيات	٢٣	يا بنت بلدى	٤٣
أغنيات	٢٤	الفلاحة	٤٥
موال من مصر	٢٥	الطبيبة	٤٧
ساحر الأهداب	٢٦	المحامية	٤٩
يمكن	٢٧	أم الشهيد	٥١
بعاد	٢٨	المعلمة	٥٣
سيد الكل	٢٩	الصحفية	٥٥
مصر الأمان	٣٠	المذيعة	٥٧
يا رمضان	٣١	المهندسة	٥٩
دعاء	٣٢	ست الدار	٦١
يارب	٣٣	الأم	٦٣
يا بنت مصر يا إنسانه	٣٤	سيرة ذاتية	
الست منة	٣٥	(نبذة عن المؤلفة)	٦٥
فى النقد الإجتماعى	٣٦		
الشارع المصرى	٣٨-٣٦		

رقم الإيداع : ١٣٤٣٥ / ٢٠٠١

I.S.B.N. 977-248-145-6

